



Inatsisartut Akileraartarnermut Akitsuusiisarnermullu Ataatsimiititaliaat

Pisortanut akiitsut akilersinniarneqartarnerat pinaveersaartinneqarnisaallu pillugit Inatsisartut inatsisaata allanngortinneqarneranik Inatsisartut inatsisissaattut siunnersuut (UKA 2007/35)

Matuma qulaani siunnersuutip siullermeerneqarnerani partiit oqaaseqartartui siunnersuummut apeqqutinik arlaqartunik saqqummiussipput.

Matuma ataani apeqqutit saqqummiunneqarnerminni tullerriiaarneri malillugit akissuteqarfigissavakka.

Demokraatit

Apeqqut 1. Piffissami 1997-imiit 2005-imut akiitsunut nalikilliliinerit pillugit takussutissiamik Demokraatit qinnuteqarsimapput

Takussutissiami ilanngunneqartumi Namminersornerullutik Oqartussani kommunenilu piffissami 1998-imiit 2005-imut nalikilliliinerit amerlassusiinut takussutissiaq suliarineqarsimavoq. Ajorluartumik 1997-imut tunngasunik paasissutissanik piffissaaleqineq pissutigalugu pissarsineq ajornarsimavoq, paasissutissat qarasaasiami pigineqanngimmata.

Apeqqut 2. Aningaasat ingerlaarnerata allanngortinneqarnera kommunenut annaasaqaataassappat kommunit taarsiissutinik piumasaqarnissaat ilimagineqarpa.

Akiliisitsiniartarnermut tunngatillugu nunamut tamarmut atuuttumik akiliisitsiniartarnermi oqartussaasumut ataatsimoortitsilerneq kommunit akiliisinnaassuseqarnerannik annikitsumik allannguuteqartitsissaaq. Ilaatigut ilimagineqarpoq akiliisitsiniartarnermi oqartussaasoq sapaatip akunnikkaartumik, kommuninut akiitsunut akilerneqartunik, kommuninut tunniussisarnissaa, ullumikkut kommunit kontoinut ingerlaannartumik ikineqartartunik. Ilaatigullu aamma A/S Inissiaatileqatigiiffik INI-p, Nukissiorfiit, kommunit allat imaluunniit Namminersornerullutik Oqartussat pisassarisaannut akiliutit pisasaqartunut apuussinissap tungaanut tigummisartakkatik kommunit karsimiittuutigisarunnaassavaat.

Iimagisat akerlianik killeqartumik allannguneq kommunit aningaasaqarnikkut malunnaatilimmik ajornartorsiortitsilissagaluarpat, tamanna tunngaviusumik ajornartorsiutinik patsiseqarnerussaaq, kommunit pineqartut aningaasaqarniarnikkut pissutsinik atugarisaannik ataatsimoortumik tunngaveqartumik oqallisigineqaruni pitsaanerpaajusussaasumik.

16. oktober 2007
J.nr.

Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

Apequt 3. Qanoq iliorluni kommuninut akiitsut kinguneqarluartumik akilersinniarneqarsinnaassappat.

Kommuninut akiitsut piaartumik akilersinneqarsinnaanissaannut tunngaviusussaq pingaarnerpaaq tassaavoq, akiliisitsiniarnermi oqartussaasup akiliisitsiniarnermik suliassanik ataatsimut isiginnilluni naammassinniffiulluortumik ingerlatsinissaa. Tamanna ilaatigut pisinnaavoq suleriaatsinik naleqquttumik aaqqissuussinikkut, sulisunik atorluaanikkut, sulinermi sakkussanik il.il. ajornartorsiutaanngitsumik atuisinnaanikkut.

Tamatumalu saniatigut soorunami pingaartuuvoq, akiliisitsiniarnermi oqartussaasup kommunit pisassarisaannit akiliisitsiniarnermi pisassaqtartut allat pisassarisaannik salliutitsinnginnissaa. Taamatut ingerlatsisoqassagaluarpaaq Naalakkersuisunit akuerineqarsinnaanngitsutut isumaqarfigissagaluarpaaq, aqutsinikkullu akiliisitsiniarnermi oqartussaasup suliassanik tulleriarnera ingerlaavartumik malinnaavigineqarnissaa pingaartillugu.

Meeqqanut akilersuutit ernialersorneqarnissaannik siunnersuummut tunngatillugu eqqaasitsissutigineqassaaq, pisartut malillugit tamakkununga akiligassanut kinguaattoorutit ikilisaaviginiarnerat ajornakusoortorujussuummat. Taamaammat pisassarisanik tamakkunanga ernialersuinermit malittarisassanik atuutilersitsineq akiligassanik kinguaattoorutit amerleriarnernannik kinguneqaannassaaq. Illuatungaatigulli qaanngiinnarneqarsinnaanngilaq, meeqqanut akilersuutininik kinguaattooruteqtartut ilaasa kinguaattoorutiminnik ikilisaasinnaagaluarnernat. Taamaattumik Naalakkersuisut siunnersuut imaaliinnarlugu itigartitsissutiginiannigilaat, isumaqarlutilli isummerfiginnginnerani akiitsut qanoq katitigaanerannik il.il. erseqqinnerusumik misissueqqaarnissaaq eqqornerpaassasoq. Taamatut misissuineq siusinnerpaamik 2008-ip qiteqqunnerani/naalernerani aatsaat pisinnaassaaq.

Apequt 4. Suliassat sulisullu nuunneqarnissaat pillugit maleruagassiinermut piginnaassuseqartitaanerup killingisa nassuiarneqarnissaat, siunnersuummi § 11 f naapertorlugu.

Tassani tunngavigineqarpoq eqikkaanikkut aalajangersagaq, akileraaruserinermi ingerlatsineq pillugu Inatsisartut inatsisaata nr. 11, 2. november 2006 –imeersumi § 87-ip assinga taannaavorlu Suliassat takussutissartaannik allamat nuunneqarnerat pillugu nalunaarummut nr. 21, 2. november 2006-imeersumut tunngaviusooq. Maannamuugallartoq naatsorsuutigineqarpoq Suliassat takussutissartaannik allamat nuunneqarnerat pillugu inatsisissatut siunnerssummi § 11 f-ip assigisaanik nuussisoqarnissaa. Tamakku saniatigut, suliassat assigiimmik naammassineqarsinnaanerat qulakkeerniarlugu aalajangersakkap pineqartup aamma atorneqarsinnaanera eqqarsaatigineqarsinnaavoq, tassani

assersuutigineqarsinnaavoq akiliisitsiniartarneq pillugu kommunit saaffiginnittarfiini sullissineq.

Apeqqu 5. Akiliisitsiniartarnerup 1. januar 2008-miit ataatsimoortinneqalernissaata atuutilernissaa piviusorsiorneruva.

Naalakkersuisut naliliipput ataatsimoortitsilernissap aallaqqaataaniit ataatsimoorussamik nunamut tamarmut atuuttuusumik qarasaasiatigut atortut atorneqarsinnaaniassamat pisassarisat, akiligassat il.il. elektroniskimik kommunit akiliisitsiniarnermilu oqartussaasup akornanni pisinnaaneranik qulakkeerinissaq periarfissaqartinniarlugu aallaqqaammut ilimagisamiit 1. april 2008-mut kinguartinnissaa pisariaqassasoq. Akileraruserinerup qitiusumik ingerlanneqarnernerani misilittakkat takutissimavaat, suliassat suliarineqarneranni pitsaasumik naammassinniffiusumillu ingerlatsisinnaanermut qarasaasiatigut atortunik atorluarsinnaasunik peqarnissaq pingaaruteqartumik aallaaviusussaasoq. Akiliisitsiniarnermut tunngasutigut nalunaarsuutit sulinermi aallaavigineqartut pitsaanngippata, sulisut nalunaarsuutit amigaataasut pissarsiarinerannut, piffissamik akiliisitsiniarnermut atugassaraluaminnik piffissaajartarnissaannik kinguneqarsinnaavoq.

Atuuttussanngortitsinerup kinguarternerata aamma nassatarissavaa, nalunaarsuutit akiliisitsiniarnermi oqartussaasumut nussorneqartut, eqqortuusunik takutitsisuunissaasa annerusumik qularnaateqannginnerat, kommunit ukiumoortumik naatsorsuutinik naammassinninnerminnut atatillugu inaarutaasumik naligiissaarisimanerisa kingunerisaanik.

Taamaamat Naalakkersuisut allannguutissatut siunnersuut ilanngunneqartoq inatsisissatut siunnersuutip aappassaaneerreqarneranut suliarineqarnissaanut saqqummiunniarpaat.

Naalakkersuisut ilimagaat akiliisitsiniartarnermi oqartussaasoq tamatuma kingornagut 1. april 2008-miit ingerlatsinissamut piariissasoq. 1. januarimiit 1. april 2008-p tungaanut piffissaq ilaatigut sulisunik akiliisitsiniartarnermi oqartussaasumut nuutsinneqartut ilinniaqqinnissaanut atorneqassasoq.

Katusseqatigiit Partiiat

Apeqqu 1. inatsiseqartitsinermi suut tunngavigalugit Inatsisartuusimasut aalajangigaat ingerlateqqinneqassappat

Inatsisissatut siunnersuummut nalinginnaasumik nassuiaatini Inatsisartut UPA 2005/113-ip aappassaaneerreqarnerani aaljangernerat innersuussutigineqarnerannut patsisaavoq, Naalakkersuisut inatsisissatut siunnersuummik saqqummiussinissaminnut piareersarnerat.

Aalajangernikkut pineqartukut Inatsisartut Naalakkersuisut politikikkut suliassamik suliakkerpaat. Suliassaq Naalakkersuisut maanna Inatsisartuusunut tapersiinermik ingerlatseqqinertut naliligaat.

Naggasiut

Pisortat pisassarisaannik akiliisitsiniartarneq ullumikkut annertuumik kommuneni akiliisitsiniartarfinit ingerlanneqarpoq. Kommunit pineqartut namminneq pisassarisaminnik akiliisitsiniarnerup saniatigut akiliisitsiniartarfiit A/S Inissiaatileqatigiiffik INI-p, Nukissiorfiit Namminersornerullutik Oqartussallu pisassarisaannik akiliisitsiniarneq suliarineqartarpoq. Tamakkulu saniatigut killeqartumik meeqqanut akilersuutininik akiliisitsiniartarneq aamma ingerlanneqartarluni.

Inatsiseqartitsinermi arlalinnik malittarisassaqqarpoq aningaasat akilersinneqartut pisassaqqartuusut taagorneqartut akornanni qanoq agguanneqarnissaat pillugu. Taamaammat kommunini akiliisitsiniartarfiit imaluunniit nuna tamakkerlugu atuuttuusumik akiliisitsiniarnermi oqartussaasup, akiliisitsiniarnermi oqartussaasup pisassarisai pisassaqqartut allat pisassarisaannit saallitissinnaanngilaat.

Taamaammat isumaqqarnarpoq Kattusseqatigiit Partiiata, akiliisitsiniartarnermut tunngasut ataatsimoortinneqalernerata, kommunit isertitaqaatigisinnaasatuannik arsaarneqarnerannik oqarneq paatsoornermik patsiseqarsorinarpoq.

Aammattaaq Akileraartarnermi pisortaqqarfiup Atorfillit Kattuffiannit saaffiginnissummut akissuteqaataata qallunaatoornera ilisimatitsissutitut ilanngunneqarpoq. Akissuteqaatip kalaallisoornera malinnaatinneqarumaarpoq.

Ikinngutinnersumik inuulluaqqusillunga

Aleqa Hammond